

VEDTEKTER

for Mitt Hjelmeland

§ 1 Namnet til foreininga

Namnet til foreininga er Mitt Hjelmeland.

§ 2 Føremål

Foreininga har til føremål å fremja trivsel og samhald blant innbyggjarar og gjester i Hjelmeland kommune, samt å bidra til positiv kommunikasjon og omtale av Hjelmeland-samfunnet.

Foreininga skal oppnå føremålet gjennom følgjande aktivitetar:

- legga til rette for og koordinera trivselstiltak i Hjelmeland kommune
- driva positiv kommunikasjon i nettportalen Mitt Hjelmeland, sosiale media og andre kanalar
- vera ei ressursgruppe for idéar til tiltak som kan fremja trivsel og samhald

§ 3 Organisasjonsform

Foreininga er ein frittståande, sjølveigande juridisk person. At den er sjølveigande, inneber at ingen – verken medlemmer eller andre – har krav på formuen eller eigendelane til foreininga, eller er ansvarleg for foreininga si gjeld eller andre plikter.

§ 4 Medlemmer

Alle innbyggjarar og gjester i Hjelmeland, samt næringsdrivande og frivillige lag med verksemd i Hjelmeland, kan bli medlemmer i foreininga, så lenge dei er samde i og aksepterer foreininga sitt føremål og foreininga sine vedtekter.

§ 5 Rettar og plikter knytta til medlemskapet

Alle medlemmer har rett til å delta på årsmøte, har stemmerett og kan veljast til tillitsverv i foreininga. Medlemmer som skuldar kontingen for meir enn eitt år, har ikkje stemmerett eller andre rettar, og styret kan stryka dei som medlemmer av foreininga.

Medlemmene pliktar å retta seg etter vedtak som er fatta av årsmøte.

§ 6 Årsmøte

Årsmøtet skal haldast kvart år, og er foreininga sitt høgaste organ. Årsmøtet er vedtaksført med dei røysteføre medlemmene som møter, og alle medlemmene har éi stemme. Møteleiar skal veljast av årsmøtet.

Med mindre det er vedtatt noko anna, skal eit vedtak vera gyldig når det er fatta med vanleg fleirtal blant dei avgjevne stemmene. Stemmelikskap blir avgjort ved loddtrekking.

Årsmøtet blir kalla inn av styret med minst éin månads varsel, direkte til medlemmene eller ved kunngjering i foreininga sine kanalar. Forslag som skal behandlast på årsmøtet, skal vera sendt til styret seinast to veker før årsmøtet. Fullstendig saksliste skal vera tilgjengeleg for medlemmene seinast éi veke før årsmøtet.

Årsmøtet kan ikkje behandla forslag som ikkje er oppført på sakslista, med mindre 3/4 av dei frammøtte krev det.

§ 7 Årsmøtet sine oppgåver

Årsmøtet skal

- behandla årsmelding
- behandla revidert rekneskap
- behandla innkomne forslag
- fastsetja kontingen
- velja leiar
- velja to styremedlemmer
- velja eitt varastyremedlem

§ 8 Ekstraordinært årsmøte

Ekstraordinære årsmøte blir halde når styret bestemmer det, eller minst 1/3 av medlemmene krev det. Innkalling skjer på same måte som for ordinære årsmøte, med minst 14 dagars varsel. Ekstraordinært årsmøte kan berre behandla og ta avgjelder i dei sakene som er kunngjorte i innkallinga.

§ 9 Styret

Foreininga har eit styre på tre medlemmer. Styret er foreininga sitt høgaste organ mellom årsmøta. Styret skal halde møte når styreleiar eller eit fleirtal av styremedlemmene krev det.

Styret skal

- gjennomføra årsmøtet sine vedtak
- utnemna komitéar, utval og personar som skal gje spesielle oppgåver, og utarbeida instruks for desse
- administrera og ha naudsynt kontroll med foreininga sin økonomi i samsvar med gjeldande instruksar
- representera foreininga utetter

Styret kan fatta vedtak når eit fleirtal av styret sine medlemmer er til stades.

Vedtak blir fatta med vanleg fleirtal av dei avgjevne stemmene.

§ 10 Signaturrett

Styreleiar åleine eller to styremedlemmer i fellesskap har signaturrett.

§ 11 Vedtektsendring

Endringar av desse vedtektena kan berre gjerast på ordinært eller ekstraordinært årsmøte, etter å ha vore på saklista, og det blir kravd minst 2/3 fleirtal av dei avgjevne stemmene.

§ 12 Opplysing


Opplysing av foreininga kan berre bli behandla av årsmøtet, og krev minst 2/3 fleirtal.

Foreininga sin formue skal etter opplysing og gjeldsavlegging tilfalla det føremålet som foreininga arbeider for å fremja, ved at nettoformuen blir gjeven til ein ideell organisasjon som årsmøtet bestemmer. Ingen medlemmer har krav på foreininga sine midlar eller ein andel av desse midlane.

Hjelmeland, 4. januar 2021


Birthe Riedum Brækstad


Ørnulf Spilde


Kjetil Leknes